



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLIII. ad annum DLXXVII.

Parisiis, 1644

Item Ex Alia Charta Ita Recitatvm Est.

urn:nbn:de:hbz:466:1-15324

ANNO CHRISTI
535. dignetur scribere, ne se in ecclesiæ nostræ præjudicio,
quippe velut alienæ legis, immisceat, & aliquid faciat, aut
fieri qualibet ratione permittat, vnde catholica possit ec-
clesia perturbari. Dignum enim est, & catholico, sicut
est, regi conueniens, vt fidem & ecclesiam, in qua Deus
illum voluit baptizari, omni beat virtute defendere.
Scriptum est enim: *Vino ego, dicit Dominus, quia glorifican-* ^{1. Reg. 2.} *tes me, glorificabo.* Festina ergo, frater carissime, vt in san-
ctæ fidei sinceritate persistens, ecclesiarum pacem, quæ
vel a Deo per meritum sacerdotii tibi commissa est, vel a
nobis per apostolicam auctoritatem vicaria potestate
mandatur, competenti sollicitudine, Deo propitiante,
custodias, & vicarium te sedis nostræ dignis Deo manife-
stes operibus. Deus te conseruet, frater carissime. Da-
tum III. Kalendas Maias, imperii domini nostri Iustinia-
ni perpetui Augusti anno XXIV. post consulatum Basilii
^{*fer. no-} ^{no,} viri clarissimi anno * octauo, per hominem quem Ana-
stasius direxit.

ITEM EX ALIA CHARTA ITA RECITATVM EST.

LEcta sunt nobis gesta confecta apud Antiochenæ ciuitatis defensorem, quibus inferebantur testimonia militum significantium, vt compendiose dicamus, quod priusquam Sergius reuerendissimus Cyrestenam ciuitatem accederet, quidam, id est, Andronicus presbyter & defensor, & Georgius diaconus, accipientes imaginem Theodoriti, qui vndique inculpatur propter fidei errorem, in currum eam imposuerunt, & in Cyrestenam ciuitatem introduxerunt, psallentes & ostendentes quod eiusdem illi secta sunt. Sergius autem postea cum ciuitatem accepisset, & collectionem celebravit ipsius Theodoriti, & Diodori, & Theodori, nec non & Nestorii cuiusdam, quem martyrem esse dixit, cum prouincia nullum habeat martyrium huic appellationi conueniens. Evidenter igitur mirati sumus, primo quidem si latuerunt tuam eminentiam talia gesta in ciuitate confecta. Deinde si cum cognouisses quod factum est, non sine dilatione quæstionem fecisti negotii, maxime cum degere Sergius dicere-
tur, & cum Paulo reuerendissimo esse. Verum etiam le-
cta sunt nobis paulo post gesta confecta apud Cyreste-

Concil. Tom. 12.

E e ij

næ ciuitatis defensorem, quæ reuerendissimi responsales
Sergii reuerendissimi dixerunt, multorum voces conti-
nentia, quod nulla vnquam nec prædicata est, nec facta
est collectio in Nestorii cuiusdam nomine. Super hæc au-
tem gesta, & preces audiuimus tam ipsius Sergii, quam re-
liquorum episcoporum Euphratensis prouinciae, qui re-
pellunt vbiique Nestorii nomen, & declinare quidem e-
ius sectam confitentur, consentire autem sanctis quatuor
Conciliis. Sancimus igitur nihil subtilitatis vel studii emi-
nentiam tuam relinquere, sed conuocare quidem sine
dilatione Cyrestenæ ciuitatis episcopum ibi degentem,
sicut audiuimus, trahere autem ad se milites etiam, qui
testimonia in gestis Antiochiæ confessis præstitisse inue-
niuntur de numero tertio Stabilianorum, nec non etiam
Andronicum & Georgium, qui ea quæ de imagine dicta
sunt fecisse dicuntur, & singula cum subtilitate require-
re, hoc est, si quod dicitur de imagine, factum est, & si
psalmum, cuius mentio gestis Antiochiæ confessis inser-
ta est, psallentes ad imaginis honorem præcedebant; & si
Sergius reuerendissimus cum hæc post Antiochiæ confe-
ssis inserta est, psallentes ad imaginis honorem ea cogno-
uisset, & clericos admisit, & diuinis eis communicauit my-
steriis: & si collectionem Theodoriti, & Theodori, &
Diodori prædicari fecit, aut celebrari concessit, & si hoc
idem factum est & in Nestorii nomine: & omnem cir-
cumire viam tua magnitudo festinet, vt nihil subtilitatis
possit latere. Ne autem eminentia tua nostram tantum-
modo timeret indignationem, sed etiam Dei iram, non
piget nos & iuramentum ei imponere in nomine Domini
& saluatoris Christi Dei nostri, ad quem talia pertinent,
vt ipsam veritatem vndique requiras: & si quidem inue-
niantur milites per omnia falsa dixisse, & neque pro ima-
gine, neque pro collectione vera dixisse, non tantum ea
quæ in Nestorium referuntur, sed etiam illa quæ in Theodo-
ritum & Theodorum & Diodorum, mox fortissimo
numero eiificantur, in quo militare noscuntur, & omni-
bus tormentis eorum corpora crucientur. Si autem ve-
ritatem in suis depositionibus dixerunt, siue pro imagi-
ne, siue pro collectione vel Nestorii, vel aliorum trium,
de omnibus nobis suggere, vt cognoscere possimus eos

ANNO CHRISTI
1553. qui in veram & immaculatam, quam & nos colimus, fidem peccauerunt. Ne quid autem ex his quæ nobis lecta sunt, tuam magnitudinem lateat, iussimus eadem gesta, quæ Cyri confecta sunt, & ad nos relata, nec non rescripta eorum quæ Antiochiæ confecta sunt, tibi transmitti, ut post confecta omnia quæ iussimus, iterum nobis remittantur ipsa quæ in Cyro confecta sunt. Pro hac etenim causa destinauimus Thomam deuotissimum, agentem in rebus, & subadiuuam. Legi. Datum v i i. Idus Augusti, Anno Christi 520. Constantinopoli, Rustico viro clarissimo consule.

Sancta Synodus dixit: Evidenter & nunc Deum plancans intentio piissimi & tranquillissimi imperatoris ostensa est, qui omnia semper fecit & facit, quæ sanctam ecclesiam & recta dogmata conseruant: qui & modo recitatas chartas direxit, manifestantes & ipsas, quod nec latuit aliquem, alienam ab initio esse istorum capitulorum impie-tatis sanctam Dei ecclesiam. Et Christianissimus quidem imperator mercedem pro his habebit de Christo magno Deo, qui talia multiplicare solet: nos autem orationes quotidianas facientes pro eius serenitate, pro tribus capitulois altero die, adiuuante Deo, synodicam sententiam proferemus.

COLLATIO OCTAVA.

IMPERII domini Iustiniani perpetui Augusti anno XCVII. post consulatum Basili viri clarissimi anno XII. die IV. Nonas Iunias, indictione I. confidentibus in se-cretario venerabilibus episcopis huius regiæ ciuitatis,

Eurychyo sanctissimo patriarcha regiæ Constantinopolis nouæ Romæ,

Apollinario sanctissimo archiepiscopo Alexandrinæ magnæ ci-uitatis,

* Domino sanctissimo patriarcha Theopolitanæ magnæ ciui-tatis,

Stephano religiosissimo episcopo Raphiæ, &

Georgio religiosissimo episcopo Tiberiadis, & ceteris ut supra Collatione I.

d. Theodo-rus * Diodorus archidiaconus & primicerius reuerendissi-morum notariorum dixit: Scit vestra sancta Synodus, quod ante aliquot dies in diuersis conuentionibus acta

E e iiij